

Si₂ carta le₂'uig₅₄ a₂ca₂jmo₃
SAN JUAN

*Jág*₁ dse₃ jui₁lia'₂ 'a₂ lia'₂ le₃chan₂ dsa₂

¹ Jmo₂ jnia'₅₄ si₂ la₂ dsiang'₅₄ ne'₅₄ 'nia'₂, ja₁'ín₅ jnia'₅₄ i₂jme₁ma₂chan₂ lia'₂ con'₂ jme₁ca₂rë₃lió₃ ca₂le₃jé₃ a₂cha₂, ja₁'ín₅ jnia'₅₄ jan₂ i₂qui₂ma₂néi₁ jnia'₅₄ jág₁ quió'₅, ma₂ca₂néi₄ jnia'₅₄ quian'₅₄ jme₁ne₁ guio₅₄, ma₂qui₂ma₂tí₄ jnia'₅₄ gu₂ quió'₅ né₃. Të₂le₃ quian'₅₄ jág₁ quió'₅ 'éi₂ bá₄ a₂le₃chan₂ dsa₂. ² I₂chan₂ 'éi₂ né₃ ca₂jme₃jniai₂₃ 'ñiog₅ jë₄ quió'₅ dsa₂ mi₂güü₃. Jaun₂ jnia'₅₄ né₃, ca₂néi₄, jaun₂ jang'₂ jnia'₅₄ jág₁ dsau₅ quió'₅ 'éi₂. Qui₂'é₅ jnia'₅₄ ja₁con'₂ 'nia'₂ 'a₂ lia'₂ le₃chan₂ dsa₂ co₂tan₅₄. Jme₁ma₂chain₂ bá₄ quian'₅₄ Jmei₂, ton'₂ ma₂ca₂jme₃jniai₂₃ jë₄ quián₂ jnia'₅₄. ³ Jaun₂ 'é₅ jnia'₅₄ jág₁ jui₁lia'₂ a₂ma₂ne₅₄ a₂ma₂néi₁ né₃, ia₁jaun₂ jme₁quiong'₅₄ 'nia'₂ jnia'₅₄ 'ei₅ caun₂ jág₁, jui₁lia'₂ jnia'₅₄ né₃ 'ei₅ caun₂ jág₁ quian'₅₄ Diú₄ Jmei₂ jniog₄, quian'₅₄ Jesucristo Ja₁ñi'₅₄ né₃. ⁴ Jaun₂ bá₄ lë₃ jmo₂ jnia'₅₄ si₂ la₂ dsiang'₅₄ ne'₅₄ 'nia'₂, jua'₂ jnia'₅₄ ca₂le₃jé₃ jág₁ la₂, ia₁jaun₂ rë₂'ñia₅ a₂'io'₂ jein₂ jniog₄.*

*Diú*₄ i₂lín₅ si₂

⁵ A₂la₂ bá₄ jág₁ dse₃ a₂ma₂ca₂guéi₁ jnia'₅₄ quió'₅, a₂'é₄ táng₃ jnia'₅₄ ja₁con'₂ 'nia'₂: Lín₅ Diú₄ si₂; 'i₁caun₂ ja₁qui₁né₃ tsá₃ cha₂ ja₁coin₂. ⁶ Në₁jua'₂ jua'₂ jniog₄ 'ei₅ caun₂ jág₁ quian'₅₄ Diú₄, la₁ në₁jua'₂ i₂nio₄ guë'₂ jniog₄ jë₄ qui₁né₃, jmo₂ jniog₄ të₂jág₁; tsá₃ jui₅ dsau₅ chong₂. ⁷ La₁ në₁jua'₂ qui₂i₂nio₄ jniog₄ ja₁ñiá₂ si₂, jui₁lia'₂ 'en₅₄

* ^{1:4} A₂lín₅₄ chog₅₄ si₂: “a₂'io'₂ jén'₂ 'nia'₂.”

'éi₂ ja₁jniá₂ si₂, 'ei₅ caun₂ jág₁ quian'₅₄ rin'₅₄ jniog₄ le₂jau₂ le₂jau₂, jaun₂ jmi₄ Jesucristo Ja₁ŋi'₅₄ qui₂chéi₂ ca₂le₃jé₃ dsáu₁ jniog₄.

⁸ Nē₁jua'₂ jua'₂ jniog₄ tsá₃ 'e₂ dso₄ le₁cáu'₄, jme₂gán₁ jniog₄ guio₅₄, tsá₃ tí₅ jág₁ quián₂. ⁹ La₁ nē₁jua'₂ jmo₂ jniog₄ jág₁ dsau₅ a₂rē₂cáu'₄ dso₄, rē₂ti'₅₄ bá₄ Diú₄, rē₂ bá₄ qui₂dsi₂₃ 'éi'₃, 'éin₂ bá₄ dso₄ quián₂ jniog₄, qui₃chéi₂ ca₂le₃jé₃ a₂'lig'₅₄. ¹⁰ La₁ nē₁jua'₂ jua'₂ jniog₄ tsá₃ 'e₂ dso₄ ma₂'nió₁, jmo₂ jniog₄ co₂'nió'₄ tē₂jín₁ bá₄ Diú₄; tsá₃ 'i₄ jág₁ quió'₅ ja₁con₂ jniog₄.

2

Cristo bá₄ lín₅ i₂chén'₅ ne₄ jág₁ quián₂ jniog₄

¹ 'Nia'₂ chi'₂-guein₂ quiáng₃, jmo₅ jniá₂ si₂ la₂ ja₁juá'₅ ca₂le₃jé₃ ia₁jaun₂ tsá₃ ma₃'náu'₁ 'nia'₂ dso₄. Nē₁jua'₂ chan₂ i₂ca₂tán'₂ dso₄, chan₂ bá₄ jan₂ i₂chén'₅ ne₄ jág₁ quián₂ jniog₄ ne₄ Diú₄ Jmei₂. I₂'éi₂ lín₅ Jesucristo i₂dsen₃. ² 'Éi₂ bá₄ i₂ca₂ŋó₃ rē₂jen'₅₄ ne₄ Diú₄ 'uig'₅₄ dsáu₁ jniog₄. On₃jua'₅₄ rē'₂ jmá'₃ 'uig'₅₄ dsáu₁ jniog₄, 'uig'₅₄ dsáu₁ ca₂le₃jín₃ dsa₂ mi₂güüg₃ bá₄ ján₃.

³ Nē₁jua'₂ jme₂tí₁ 'éi'₃ quió'₅ né₃, jaun₂ le₂nē₅ bá₄ ne₄ a₂ma₂ca₂rē₃cuin₅ jniog₄. ⁴ La₁ nē₁jua'₂ chan₂ i₂juá'₂: “Cuín₅ jniá₂ Diú₄”, la₁ nē₁jua'₂ tsá₃ jme₂ti₃ guē'₂ 'éi'₃ quió'₅, i₂'éi₂ lín₅ dsa₂ tē₂jág₁, tsá₃ 'i₄ jág₁ tí₅ ja₁coin₂. ⁵ La₁ tē₂le₃ quió'₅ juí₁lia'₂ i₂jme₂ti₃ 'éi'₃ quió'₅ Diú₄, i₂'éi₂ guē'₂ dson'₂ rē₂'ŋia₅ a₂'noi₃ Diú₄. Jaun₂ le₂nē₅ bá₄ ne₄ jniog₄ chong₂ a₂'ei₅ caun₂ jág₁ quiaín'₅₄. ⁶ Juí₁lia'₂ i₂juá'₂ tēin₅ le₃quió'₅ Diú₄, 'nió'₅ i₃noi₅₄ juí₁lia'₂ ca₂ŋi₃ Jesucristo.

*Caun*₂ 'éi'₃ mí₂

⁷ 'Nia'₂ rin'₅₄ jniog₄ i₂'nióg₃, on₃jua'₅₄ 'éi'₃ 'mí'₂ la₂ tó'₅ jniá'₂ ne₄ si₂ juíg₂ 'nia'₂. A₂le₂jaun₂ bá₄ la₂ jui'lia'₂ 'éi'₃ a₂jme₁ma₂cha₂ ja₁con'₂ 'nia'₂ ca₂le₃ jmíg₄ le₂'uig₅₄ jme₁ca₂rë₃'én'₂ 'nia'₂. 'Éi'₃ gui'₅₄ la₂ lé'₅ jág₁ a₂ma₂nei'₂ 'nia'₂. ⁸La₁ia₁ a₂tó'₅ jniá'₂ ne₄ si₂ la₂ a₂tsíng₂ ne'₅₄ 'nia'₂, lé'₅ co₂'nió'₄ caun₂ 'éi'₃ 'mí'₂, a₂dsau₅ tē₃dsón'₂ quió'₅ Cristo, ján₃ gué'₄ dsau₅ tē₂le₃ ja₁con'₂ 'nia'₂ né₃. Ia₁ ma₂ca₂ñí'₂ bá₄ jë₄ qui₁né'₃, ma₂tág₅ si₂ a₂dsau₅ tē₃dsón'₂.

⁹ Chi₂jua'₂ chan₂ i₂juá'₂ chain₂ ja₁jniá'₂ si₂, la₁ nē₁jua'₂ 'ñiai₅₄ bá₄ gué'₂ riin'₅₄ né₃, i₂le₂'éi'₂ 'ein₅₄ bá₄ gué'₄ jë₄ qui₁né'₃. ¹⁰La₂ i₂'nio₃ rin'₅₄ gué'₂ né₃, tē₂'ñiai₅₄ ja₁jniá'₂ si₂, ton'₂ 'i₁caun₂ tsá₃ 'e₂ cha₂ jua'₅₄ jmo₃ a₂qui₃nió'₃. ¹¹La₁ i₂'ñia₅₄ rin'₅₄ gué'₂ né₃, 'ein₅₄ jë₄ qui₁né'₃. Tsá₃ ñi₅ 'a₂ jui₅ dsó₃, ia₁ co₂'nió'₄ tein₅₄ bá₄ ñi₂₃ jë₄ nei₂.

¹² Tsín₂ jniá'₂ si₂ la₂ ne'₅₄ 'nia'₂ i₂líng'₅ chi'₂-guein₂ quiáng₃, ia₁ ma₂rë₂'én₄ bá₄ dsáu'₂ 'nia'₂, ma₂ca₂'én₂ bá₄ Diú₄ tē₂le₃ o₄quió'₄ Jesucristo. ¹³'Nia'₂ dsa₂ i₂chan₂ chi'₂ quián₅, tsín₂ jniá'₂ si₂ la₂ ne'₅₄ 'nia'₂ ia₁ ma₂ca₂rë₃cuin'₂ bá₄ 'nia'₂ i₂jme₁ma₂chan₂ lia'₂ con'₂ jme₁ca₂rë₃lióg₃ ca₂le₃jé₃. 'Nia'₂ dsa₂ chi'₂, tsíng₂ si₂ la₂ ne'₅₄ 'nia'₂ ia₁ ma₂ca₂tian'₃ bá₄ 'nia'₂ ne₄ quió'₅ i₂së₃dsen₃.

'Nia'₂ guein₂ quiáng₃, jmo₅ jniá'₂ si₂ la₂ tsíng₂ ja₁con'₂ 'nia'₂ ia₁ ma₂ca₂rë₃cuin'₂ 'nia'₂ Diú₄ Jmei₂ jniog₄. ¹⁴'Nia'₂ dsa₂ i₂chan₂ chi'₂ quián₅, tsín₂ jniá'₂ si₂ la₂ ne'₅₄ 'nia'₂ ia₁ ma₂ca₂rë₃cuin'₂ 'nia'₂ i₂jme₁ma₂chan₂ lia'₂ con'₂ jme₁ca₂rë₃lióg₃ ca₂le₃jé₃. Ján₃ bá₄ tsín₂ jniá'₂ si₂ la₂ ne'₅₄ 'nia'₂ dsa₂ chi'₂, ia₁ 'uan'₂ bá₄ 'nia'₂, ia₁ jág₁ dse₃ quió'₅ Diú₄ ma₂'i₄ 'au'₂ 'nia'₂, ia₁ ma₂ca₂tian'₃ 'nia'₂ ne₄ quió'₅ i₂së₃dsen₃.

¹⁵ Tsá₃ lë₁jmo₂ 'nia'₂ 'ín₅ 'au'₂ jua'₅₄ a₂le₃chang'₂ i₁niog'₄

jui₅ ja₁i₂nio₄ dsa₂ mi₂güüg₃, on₃ guë'₂ jmó'₁ 'nia'₂ 'ín₅ 'au'₂ 'e₂ niog₅ cha₂ mi₂güüg₃. Chi₂jua'₂ chan₂ i₂'ín₅ dsí₅ a₂jén'₅ mi₂güüg₃, i₂le₂'éi₂ tsá₃ tē₃dsón'₂ 'nioi₃ Diú₄ Jmei₂. ¹⁶ Ia₁ ca₂le₃jé₃ a₂jén'₅ mi₂güüg₃, jui₁lia'₂ ca₂le₃jé₃ a₂'lig'₅₄ a₂mi₅ ni₁ñi₁ dsa₂, a₂'ín₅ dsí₅ dsa₂ jmo₃ ca₂le₃jé₃ 'e₂ niog₅ tē₅ jme₁ne₁₂, a₂jme₂rón₂ dsa₂ 'e₂ niog₅ cha₂ quió'₅ tē₁lia'₂ chain₂: Ca₂le₃jé₃ a₂nē₅, on₃jua'₅₄ já₅ quió'₅ Diú₄ Jmei₂ jniog₄; a₂já₅ quió'₅ mi₂güüg₃ bá₄ jaun₂. ¹⁷ La₁ a₂jē₁ca₂ñi₂ bá₄ mi₂güüg₃, quian'₅₄ ca₂le₃jé₃ 'e₂ 'lig'₅₄ a₂'ín₅ dsí₅ dsa₂ chain₂ ne₄ gua'₅₄ 'uē₃. La₁ i₂jmo₅ a₂'ñio₂ dsí₅ Diú₄, le₃chain₂ co₂tan₅₄.

Jui₁lia'₂ 'a₂ lia'₂ lé₅ já₁ dsau₅ dsón'₂, 'a₂ lia'₂ lé₅ já₁ tē₂jág₁ táng₃

¹⁸ 'Nia'₂ chi'₂guein₂ quiáng₃, jmi₄g₄ jē₁ca₂tó'₂ bá₄ la₂ chong₂ jniog₄. Ma₂nei'₂ bá₄ 'nia'₂, já₅ jan₂ i₂'ñia₅₄ Cristo. Rē₂nē₃ né₃, juin₅ bá₄ i₂ma₂ca₂rē₃jniá₂ i₂'ñia₅₄ Cristo. Jaun₂ bá₄ lē₃ ne₄ jniog₄ a₂ja₂quián₃ jmi₄g₄ jē₁ca₂tó'₂. ¹⁹ I₂ca₂'uin₂ jē₄ quián₂ jniog₄ bá₄ 'éi₂. Dsón'₂ bá₄ dsau₅, on₃jua'₅₄ i₂quián₂ jniog₄ 'éi₂, ia₁ jua'₅₄ mei'₂ gué₃ lín₅ i₂quián₂ jniog₄, jme₁jñia₃ bá₄ quian'₅₄ jniog₄. La₁ le₂nē₅ ca₂lē₃ ia₁jaun₂ le₃jniá₂, 'i₁jan₂ 'éi₂ tsá₃ lín₅ i₂quián₂ jniog₄. ²⁰ La₁ 'nia'₂ né₃, ma₂ca₂guen'₅₄ bá₄ 'nia'₂ Jme₂dsí₂ Jñi₃ó₅, jaun₂ cuing'₂ bá₄ 'nia'₂ ca₂le₃jíng'₃ *jág₁ tí₅. ²¹ Jaun₂ tsíng₂ si₂ la₂ ne'₅₄ 'nia'₂, on₃jua'₅₄ ia₁ a₂tsá₃ cuin'₂ 'nia'₂ já₁ tí₅, tē₂le₃ ia₁ a₂cuin'₂ 'nia'₂. Jaun₂ ma₂le₁ñi'₅₄ bá₄ 'nia'₂, 'i₁caun₂ já₁ tē₂jág₁ tsá₃ lé₂ le₃o₃'ag₅ jē₄ já₁ dsau₅. ²² ¿'Ein₂ 'éi₂ i₂lín₅ tē₂jág₁? I₂'éi₂ bá₄ i₂juá'₂ a₂tsá₃ lín₅ Jesús I₂rē₂'ín₁ quián₅ Diú₄. 'Éi₂ bá₄ i₂'ñia₅₄ Cristo, i₂tsá₃ jen₅₄ Diú₄ Jmei₂, on₃ guë'₂ Ja₁ñi'₅₄ né₃. ²³ Ca₂le₃jín₃ i₂tsá₃ jen₅₄ Ja₁ñi'₅₄ Diú₄,

* 2:20 o₃, “ca₂le₃jé₃.”

ján₃ bá₄ le₂jaun₂ tsá₃ quai_{in}'₅₄ Diú₄ Jmei₂. La₁ jui₁lia'₂ i₂jme₂jnia₅ jáng'₅ jág₁ dsau₅ tē₂le₃ quió'₅ Ja₁ñi'₅₄, ján₃ bá₄ le₂jaun₂ quai_{in}'₅₄ Jmei₂ né₃.

²⁴ Jaun₂ lē₃, 'ma₄ 'nia'₂ tē₂'au'₂ jág₁ dse₃ a₂ma₂nei'₂ 'nia'₂ le₂'uig₅₄. Ia₁ nē₁jua'₂ ma₂tē₁'ñiá₄ tē₂'au'₂ 'nia'₂, jaun₂ tē₃'ñiá'₄ bá₄ 'nia'₂ ja₁con₂ Ja₁ñi'₅₄, quai_{in}'₅₄ Jmei₂ né₃.

²⁵ Jaun₂ a₂la₂ bá₄ jág₁ quió'₅ a₂ca₂cuē₃: A₂le₃chong₂ jniog₄ co₂tan₅₄.

²⁶ Jaun₂ tsín₂ jniá₂ si₂ la₂ ne'₅₄ 'nia'₂ ja₁'íng₅ jui₁lia'₂ i₂'nio₃ jiog₃ cau₅. ²⁷ La₁ quai_{in}'₅₄ bá₄ 'nia'₂ Jme₂dsí₂ Jñi₃o₅ i₂ma₂tē₁'ñiá₄ tē₂'au'₂ 'nia'₂ i₂ma₂cuín₃ Cristo. Jaun₂ tsá₃ ma₃i₂sián'₂ 'nió'₅ jme₃tag₅. La₁ jui₁tē₂'ñiá'₄ bá₄ 'nia'₂ le₃quió'₅ 'éi, ia₁ 'ñiog₅ bá₄ Jme₂dsí₂ Jñi₃o₅ jme₃tiin₂₃ 'nia'₂ ca₂le₃jé₃ con'₂ lé₅ jág₁ tí₅ dsón'₂, on₃jua'₅₄ jág₁ tē₂jág₁.

²⁸ Jaun₂ né₃, 'nia'₂ chi'₂-guein₂ quiáng₃, jui₁tē₂'ñiá'₄ bá₄ 'nia'₂ quai_{in}'₅₄, ia₁jaun₂ caun₂ bá₄ le₁'ág₄ dsi₅ jniog₄ jē₁ma₂tē₂ jmi_g₄ i₁jme₃jniai₂₃ táng₃. Tsá₃ 'nió'₅ jmó₁ jniog₄ gui'₅₄ ne₅₄ jē₁ma₂guáin'₅. ²⁹ Chi₂jua'₂ ma₂ñi'₅₄ 'nia'₂, Cristo bá₄ i₂lín₅ i₂jmo₅ con'₂ dsi₂ten₅₄, jaun₂ jui₁le₂ñi'₅₄ bá₄ 'nia'₂ ján₃, ca₂le₃jín₃ i₂jmo₅ con'₂ dsi₂ten₅₄, lín₅ chi'₂-guein₂ quián₅ Diú₄.

3

*Chi'*₂-guein₂ quián₅ Diú₄

¹ Jag₄ 'nia'₂ jaun₂, 'ñio₅ lín₃ 'nio₃ Diú₄ Jmei₂ jniog₄, juá'₂ dé₄ jmá'₃ tē₂ jniog₄ a₂lág₅ chi'₂-guein₂ quián₅. 'Uig₅₄ nē₅, dsa₂ mi₂güig₃ tsá₃ cuig₂₃ jniog₄ ia₁ tsá₃ ma₂ca₂rē₃cuin₂₃ Diú₄. ² 'Nia'₂ rin'₅₄ jniog₄ i₂'nió₃, ma₂lág₅ jniog₄ chi'₂-guein₂ quián₅ Diú₄. O₁ñia'₅₄ la₂ tsá₃ ma₂ne₄ gué₄ jniog₄ 'a₂ lia'₂ léi₂ jē₁ca₂tó'₂, la₁ ne₄ jniog₄, jmi_g₄ jē₁ma₂tē₂ rē₁jme₃jnia₅ 'éi₂, léi₂ jniog₄ jui₁lia'₂ lín₅ 'ñiog₅, ia₁ néi₄

jniog₄ ton'₂ le₃cuin₅ jniog₄ 'a₂ lia'₂ jniái₂. ³ Ca₂le₃jín₃ i₂'ín₂ dsí₅ jág₁ në₅, jmo₂₃ le₁jé₃ tē₂dsí₅, jui₁lia'₂ le₁jín₃ 'éi₂.

⁴ Dsa₂ i₂caun₂ 'no₅ dso₄, rē₂cáin'₄ 'Éi'₃ quió'₅ Diú₄. Ia₁ jui₁'ein₂ gué₃ i₂ca₂i₁juin₅₄ con'₂ lé₅ 'Éi'₃, dso₄ bá₄ jaun₂.

⁵ Ia₁ ma₂ñi'₅₄ bá₄ 'nia'₂, ta₁ jaun₂ ca₂guan₃ dsa₂ i₂rē₂'ín₁ 'éi₂ quián₅ Diú₄, a₂qui₃'éin₂ dsáu₁ jniog₄. Ia₁ 'i₁caun₂ dso₄ tsá₃ 'e₂ ca₂rē₃cáin'₂ 'ñiog₅. ⁶ Jaun₂ le₂nē₅, 'i₁jan₂ i₂chan₂ le₃quió'₅ 'éi₂ tsá₃ ma₃ñi₂₃ jua'₅₄ caun₂ qui₂'no₂₃ gué₄ dso₄. La₁ jui₁lia'₂ i₂caun₂ i₂nio₄ 'no₅ dso₄ né₃, tsá₃ ma₂ca₂jág₂, on₃ guē₂ ma₂ca₂rē₃cuig₂₃ né₃. ⁷ 'Nia'₂ chi'₂-guein₂ quiáng₃, tsá₃ 'ein₂ jui₁jio₅₄ cau₅ quián'₂ 'nia'₂. Jui₁lia'₂ i₂jmo₅ con'₂ dsi₂ten₅₄, dsein₃ bá₄, jui₁lia'₂ dsen₃ 'éi₂ 'ñiog₅. ⁸ La₁ jui₁lia'₂ i₂caun₂ 'no₅ dso₄, i₂quián₅ i₂sē₃dsen₃ bá₄ 'éi₂, ia₁ i₂sē₃dsen₃ né₃ ma₂já₅ 'no₂₃ dso₄ ca₂le₃ jme₁ca₂rē₃lióg₃ mi₂güí₃. La₁ Ja₁ñi'₅₄ Diú₄ né₃, ta₁ jaun₂ ca₂gain₃ a₂qui₂'éin₂ ta₁ quió'₅ i₂sē₃dsen₃.

⁹ 'I₁jan₂ jui₁lia'₂ i₂ma₂ca₂rē₃chán₃ le₃quió'₅ Diú₄, jua'₅₄ caun₂ qui₂'no₂₃ gué₄ dso₄, ia₁ quion₂ quió'₅ Diú₄ Jmei₂. Jaun₂ tsá₃ ma₂lé₂ jua'₅₄ caun₂ 'no₃ gué₄ dso₄, ia₁ ma₂ca₂rē₃chán₃ ma₂lín₅ guein₂ quián₅ Diú₄ bá₄. ¹⁰ Jaun₂ le₂nē₅ bá₄ lé₂ jióg'₂ 'í₁ 'ein₂ lín₅ i₂quián₅ Diú₄, 'ein₂ lín₅ i₂quián₅ i₂sē₃dsen₃ né₃. Ia₁ jui₁'ein₂ gué₃ i₂tsá₃ dse₃ jmo₅, o₃ jui₁lia'₂ i₂tsá₃ 'nio₃ rin'₅₄, on₃jua'₅₄ chi'₂-guein₂ quián₅ Diú₄ 'éi₂.

Jui₁jme₁'nió₄ jniog₄ rin'₅₄ le₂jau₂ le₂jau₂

¹¹ Jág₁ dse₃ a₂ma₂nei'₂ 'nia'₂ le₂'uig₅₄, a₂la₂ bá₄ jaun₂: a₂jme₁'nió₄ jniog₄ rin'₅₄ le₂jau₂ le₂jau₂. ¹² Tsá₃ 'nió'₅ jmó₁ jniog₄ jui₁lia'₂ ca₂jmo₃ Caín i₂jme₁lín₄ i₂quián₅ i₂sē₃dsen₃, jaun₂ ca₂jñi'₃ dsó₂ riin'₅₄. ¿'E₂ lē₃ ca₂jñag'₃? Ia₁ a₂'lig'₅₄ bá₄ jme₁jmo₅-dsáu₅ 'éi₂ 'ñiog₅; riin'₅₄ guē₂ né₃, a₂dse₃ bá₄ jme₁jmo₂₃.

¹³ Rin^{'54} jniog₄, tsá₃ jui₁ dsi₂ gó^{'3} 'au^{'2} 'nia^{'2} nē₁ jua^{'2} 'iog⁵⁴₅ dsa₂ mi₂ güüg³, ¹⁴ ia₁ ma₂ ca₂ ñag⁵ bá₄ jniog₄ ja₁ jme₁ dsió³₃; ma₂ ca₂ rē₃ chón³g táng₃ jniog₄ jē₁ le₃ chong₂ co₂ tan⁵⁴. Ne₄ jniog₄ a₂ nē₅ ia₁ 'nio₃ bá₄ jniog₄ rin^{'54}. La₁ i₂ tsá₃ 'nio₃ rin^{'54}, i₂ caun₂ ñi₅ 'lin₄ bá₄ 'éi₂. ¹⁵ Ca₂ le₃ jín₃ jui₁ lia^{'2} i₂ 'ñia⁵⁴ rin^{'54}, i₂ rē₂ cán^{'4} dso₄ co₂ 'nió^{'4} i₂ jme₂ dsian⁵ dsa₂ bá₄ 'éi₂. Ñi^{'54} bá₄ 'nia^{'2} jaun₂, 'i₁ jan₂ dsa₂ i₂ jme₂ dsian⁵ dsa₂ tsá₃ 'i₄ jme₂ dsí₂ a₂ chain₂ co₂ tan⁵⁴. ¹⁶ Le₂ la₂ bá₄ ne₄ jniog₄ 'e₂ jaun₂ a₂ 'nio₃ dsa₂ rin^{'54}, ia₁ chan₂ jan₂ i₂ ca₂ guen₃ 'mú₃ o₄ quián₂ jniog₄. Ján₃ bá₄ le₂ jaun₂ ca₂ tág₂ jniog₄ guén₄ 'mú₃ o₄ quió^{'4} rin^{'54}. ¹⁷ Jui₁ lia^{'2} i₂ cha₂ quió^{'5} ne₄ gua^{'54} 'uē₃ la₂, nē₁ jua^{'2} chan₂ jan₂ riin^{'54}, i₂ ñi₅ 'in₂ quió^{'5}, nē₁ jua^{'2} tsá₃ ca₂ dsia₃ guē^{'2} ñéi₂ dsí₅ ja₁ coin₂, ¿'a₂ lia^{'2} lé₂ le₃ juá^{'2} ma₂ tē₁ 'ñiá₄ tē₂ dsí₅ a₂ 'nio₃ Diú⁴? ¹⁸ 'Nia^{'2} guein₂ quiáng₃, on₃ jua^{'54} jmá^{'3} quian^{'54} jág₁ tio^{'54} 'o₄ jniog₄ dsi₂ ten⁵⁴ jua^{'54} a₂ 'nio₃ jniog₄ rin^{'54}. A₂ ca₂ tág₂ jniog₄ jme₁ 'nió₄ tē₃ dsón^{'2} rin^{'54}, tē₂ le₃ quian^{'54} a₂ léi₄ a₂ qui₂ rē₂ jniá₂ 'e₂ a₂ jmo₂ jniog₄.

'Ei₅ caun₂ dsi₅ jniog₄ tē₂ le₃ quió^{'5} Diú⁴

¹⁹ Le₂ nē₅ bá₄ ne₄ jniog₄ a₂ téi₅ le₃ quió^{'5} jui₅ dsau₅, jaun₂ gué₄ le₃ 'éi₁ jniog₄ caun₂ dsi₅ ne₄ Diú⁴. ²⁰ La₁ nē₁ jua^{'2} cha₂ a₂ qui₂ dsi₂ jñi₅ dsi₅ jniog₄ a₂ jme₂ cáu^{'2}, Diú⁴ bá₄ i₂ lín₅ i₂ juin^{'2} gué₄ lia^{'2} con^{'2} gué₄ 'e₂ a₂ qui₂ dsi₂ jñi₅ dsi₅; 'éi₂ bá₄ ñi₅ ca₂ le₃ jé₃. ²¹ Le₂ nē₅ jaun₂ rin^{'54} jniog₄ i₂ 'nió₃ gué₄ lín₃, chi₂ jua^{'2} lei⁵⁴ jniog₄ tē₂ dsí₅ guio⁵⁴ tsá₃ 'e₂ rē₂ cáu^{'4}, caun₂ bá₄ lé₂ le₃ 'éi₁ jniog₄ dsi₅ ne₄ Diú⁴, ²² jaun₂ cuē₃ bá₄ 'éi₂ ca₂ le₃ jé₃ 'e₂ a₂ mi₂, tē₂ le₃ ia₁ jme₂ tí₁ jniog₄ 'éi^{'3} quió^{'5}, ton^{'2} ia₁ jmo₂ bá₄ jniog₄ ne₄ 'éi₂ a₂ tē₅ dsí₅. ²³ A₂ la₂ bá₄ 'éi^{'3} quió^{'5}: a₂ le₃ 'éin₂ jniog₄ tē₂ le₃ quió^{'5} Jesucristo Ja₁ ñi^{'54}, ton^{'2} ján₃ guē^{'2} jme₁ 'nió₄ jniog₄ rin^{'54} le₂ jau₂ le₂ jau₂. Con^{'2} nē₅ bá₄ lé₅ 'éi^{'3} quió^{'5} ca₂ tság₃ jnia^{'54}. ²⁴ Ca₂ le₃ jín₃ i₂ jme₂ ti₃ 'éi^{'3} nē₅ né₃, chain₂ le₃ quió^{'5} 'éi₂; ján₃ guē^{'2} le₂ jaun₂ 'éi₂ 'ñiog₅

chain₂ ja₁con₂ 'éi₂ né₃. Le₂në₅ bá₄ ne₄ jniog₄ a₂guá₅ 'éi₂ tē₂dsi₅ jniog₄: tē₂le₃ quian'₅₄ Jme₂dsí₂ i₂ma₂cuin₃.

4

*Jme*₂dsí₂ quián₅ Diú₄ quian'₅₄ jme₂dsí₂ i₂'ñia₅₄ Cristo

¹ 'Nia'₂ guein₂ quiáng₃ i₂'nióg₃ gué₄ lin₃, tsá₃ o₁len'₂ 'nia'₂ jua'₅₄ ca₂le₃jín₃ i₂juá'₂, jiog₅ Jme₂dsí₂ quián₅ Diú₄. Rē₂ de'₂ quion₂ 'nia'₂ 'í₁ quió'₅, chi₂jua'₂ tē₃dsón'₂ lín₅ i₂quián₅ Diú₄. Ia₁ juin₅ dsa₂ jui₁gan₂ ma₂i₂nio₄ qui₂'é₂ jág₁ mi₂güüg₃ la₂. ² Le₂la₂ bá₄ lé₂ le₃caun'₅₄ 'nia'₂ 'í₁ quió'₅ i₂juá'₂ jiog₅ Jme₂dsí₂ quián₅ Diú₄: ca₂le₃jín₃ jme₂dsí₂ i₂jmo₅ jág₁ a₂ca₂guan₃ Jesucristo chi₁dsáin₃ mi₂güüg₃ la₂, i₂le₂'éi₂ bá₄ lín₅ i₂quián₅ Diú₄. ³ La₁ jui₁'ein₂ gué₃ jme₂dsí₂ i₂tsá₃ jmo₅ jág₁ le₂në₅ 'in₂₃ Jesús, on₃jua'₅₄ i₂quián₅ Diú₄ 'éi₂. I₂quián₅ i₂'ñia₅₄ Cristo bá₄ i₂le₂'éi₂, i₂ma₂nei'₂ 'nia'₂ jág₁ a₂jiá₃, i₂ma₂'en₅₄ mi₂güüg₃ rē₂né₃.

⁴ 'Nia'₂ chi'₂-guein₂ quiáng₃, lín'₅ bá₄ 'nia'₂ i₂quián₅ Diú₄; ia₁ ma₂ca₂tian'₃ bá₄ 'nia'₂ dsa₂ i₂tē₂jín₁. Ia₁ i₂'uan'₂ lín₃ gué₄ bá₄ Jme₂dsí₂ i₂quian'₅₄ 'nia'₂, lia'₂ con'₂ gué₄ i₂quian'₅₄ dsa₂ mi₂güüg₃. ⁵ Dsa₂ mi₂güüg₃ bá₄ 'éi₂, jaun₂ jmá'₃ lia'₂ ca₂ne₅₄ a₂cha₂ mi₂güüg₃ bá₄ jme₂tag₂₃. Jaun₂ lē₃ dsa₂ mi₂güüg₃ né₃ nag₂₃ jág₁ a₂jme₂tag₅ dsa₂ 'éi₂. ⁶ La₁ dsa₂ quián₅ Diú₄ bá₄ lág₅ jniog₄; jaun₂ lē₃, jui₁lia'₂ dsa₂ i₂cuin₅ Diú₄ né₃, nag₂₃ jág₁ quián₂ jniog₄. La₁ dsa₂ i₂tsá₃ quián₅ Diú₄ né₃, tsá₃ 'nio₃ nag₃ jág₁ quián₂ jniog₄. Jaun₂ le₂në₅ bá₄ rē₂cuin₅ jniog₄ jui₁lia'₂ i₂jio₅ Jme₂dsí₂ quió'₅ jág₁ tí₅. Ján₃ guē'₂ le₂jaun₂ rē₂cuin₅ jniog₄ jui₁lia'₂ i₂jio₅ jme₂dsí₂ i₂jui₁gan₂.

*Diú*₄ bá₄ i₂'nio₃ jniog₄

⁷ Rin'₅₄ jniog₄, jui₁jme₁'nió₄ jniog₄ rin'₅₄ le₂jau₂ le₂jau₂, ia₁ ja₁con₂ Diú₄ bá₄ já₅ a₂'nio₃ dsa₂ riin'₅₄. Ca₂le₃jín₃ i₂'nio₃ rin'₅₄ ca₂rë₃cháin₃ të₂le₃ quió'₅ Diú₄, ton'₂ cuiin₂₃ Diú₄.
⁸ I₂tsá₃ 'nio₃ rin'₅₄ né₃, tsá₃ ma₂ca₂rë₃cuin₂₃ Diú₄, ia₁ Diú₄ lín₅ i₂'nio₃.
⁹ Ca₂jme₃jnia₅ Diú₄ a₂'nio₃ jniog₄ jme₁ca₂chein₃ Ja₁ñi'₅₄ i₂jan₂ tan₅₄ 'éi₂ mi₂güüg₃ la₂.
¹⁰ Le₂la₂ bá₄ lé₅ a₂'nio₃ Diú₄: on₃jua'₅₄ a₂ma₂ca₂jme₁'nió₄ jniog₄ ja₁ma₂ja₂náu₅. 'ñiog₅ bá₄ Diú₄ ca₂dsia₃ ñéi₂ dsí₅ ca₂rë₃'nio₃. Jaun₂ ca₂chein₃ Ja₁ñi'₅₄ ia₁jaun₂ 'éi₂ qui₃ a₂rag₂ jniog₄.

¹¹ Rin'₅₄ jniog₄, chi₂jua'₂ le₂në₅ ca₂rë₃'nio₃ Diú₄, ján₃ bá₄ le₂në₅ ca₂tág₂ jniog₄ jme₁'nió₄ rin'₅₄ le₂jau₂ le₂jau₂.
¹² I₁jan₂ tsá₃ 'ein₂ ma₂jín₂ Diú₄. La₁ në₁jua'₂ 'nio₃ jniog₄ rin'₅₄ le₂jau₂ le₂jau₂, guá₅ bá₄ Diú₄ të₂dsi₅ jniog₄, ton'₂ qui₂rë₂'ñia₅ bá₄ të₂dsi₅ a₂'nio₃ Diú₄.
¹³ Le₂në₅ bá₄ jau'₂ 'í₁ a₂téi₅ jniog₄ të₂le₃ quió'₅ Diú₄, ton'₂ 'ein₅₄ të₂dsi₅ jniog₄ né₃: ia₁ ma₂cuiin₃ Jme₂dsí₂ quiáin₅.
¹⁴ Jnia'₅₄ guio₅₄ ca₂néi₄, jaun₂ jang'₂ jnia'₅₄ jág₁ dsau₅ la₂: Diú₄ Jmei₂ ca₂chein₃ Ja₁ñi'₅₄ a₂ca₂o₃lioin₅₄ dsa₂ mi₂güüg₃.
¹⁵ Jui'₁ ein₂ gué₃ i₂'in₅ Jesús, a₂lín₅ 'éi₂ Ja₁ñi'₅₄ Diú₄, quiaín₅₄ bá₄ Diú₄, ton'₂ guá₅ bá₄ Diú₄ quiong'₅₄ táng₃.

¹⁶ Le₂në₅ ma₂ca₂rë₃ne₄, ma₂ca₂rë₃'éin₂ jniog₄ a₂'nio₃ Diú₄. Diú₄ lín₅ i₂'nio₃; jaun₂ i₂chan₂ 'nio₃ rin'₅₄ né₃, chain₂ le₃quió'₅ Diú₄, ton'₂ chan₂ Diú₄ ja₁coin₂ ján₃.
¹⁷ Le₂në₅ bá₄ rë₂'ñia₅ ja₁con₂ jniog₄ a₂jme₁'nió₄ jniog₄ rin'₅₄, ia₁jaun₂ jë₁ma₂ca₂të₂ jmi₂g₄ i₁qui₃dsi₅ Diú₄ 'éi'₃, lé₂ le₃'éi₁ jniog₄ caun₂ dsí₅. Ia₁ lág₅ jniog₄ chong₂ mi₂güüg₃ la₂ lia'₂ lín₅ Jesucristo.
¹⁸ Jui₁lia'₂ jë₁'nio₃ dsa₂ riin'₅₄, tsá₃ 'e₂ gau₂ cha₂. La₁ jui₁lia'₂ jë₁'nio₃ dsa₂ rin'₅₄ lia'₂ rë₂'ñia₅, quian'₅₄ a₂në₅ jñia'₅ a₂gó'₅ dsa₂. Ia₁ jui₁lia'₂ a₂gó'₅ dsa₂, caun₂ jmi₁uig₅ bá₄ jaun₂ rë₂'é₄ ja₁coin₂. Ia₁ jui₁lia'₂ i₂gó'₅, tsá₃ ma₂ca₂rë₃'ñia₅ ja₁coin₂ 'a₂ lia'₂ jme₃'noi₃ riin'₅₄.

¹⁹ 'Nio₃ jniog₄ Diú₄ ia₁ 'ŋiog₅ de'₂ le₂'uig₅₄ ca₂rë₃'nio₃ jniog₄. ²⁰ La₁ nē₁jua'₂ chan₂ i₂lín₅₄ juá'₂: “'Nió₃ jniá₂ Diú₄”, la₁ nē₁jua'₂ 'ŋiai₅₄ bá₄ guë'₂ riin'₅₄ né₃, jan₂ dsa₂ tē₂jág₁ bá₄ 'éi₂. Ia₁ nē₁jua'₂ tsá₃ 'nio₃ dsa₂ riin'₅₄ i₂jíin₂, ¿'a₂ bá₄ lia'₂ lé₂ jme₃'nioi₃ Diú₄ i₂tsá₃ ma₂jíin₂? ²¹ 'ŋiog₅ bá₄ Diú₄ ma₂cuë₃ 'éi'₃ la₂: I₂'nio₃ Diú₄, ca₂tíin₂ jme₃'nioi₃ riin'₅₄ ján₃.

5

Ca₂tían₃ jniog₄ ne₄ cosas 'lig'₅₄ a₂jén'₅ mi₂güüg₃

¹ Ca₂le₃jín₃ i₂'én₂ a₂lín₅ Jesús tē₃dsón'₂ I₂rē₂'ín₁ quián₅ Diú₄, lín₅ chi'₂-guein₂ quián₅ Diú₄. Jui₁lia'₂ ja₁'nio₃ dsa₂ jan₂ dsa₂, ján₃ bá₄ 'nioi₃ chi'₂ quián₅ dsa₂ 'éi₂. ² Le₂nē₅ bá₄ ne₄ jniog₄ 'a₂ lia'₂ jme₁'nió₄ chi'₂-guein₂ quián₅ Diú₄: chi₂jua'₂ dsón'₂ 'nió₃ jniog₄ Diú₄, ton'₂ jme₁tí₁ jniog₄ 'éi'₃ quió'₅. ³ A₂la₂ bá₄ a₂'nio₃ jniog₄ Diú₄, a₂jme₁tí₁ jniog₄ 'éi'₃ quió'₅ bá₄. 'Éi'₃ quió'₅ né₃, on₃jua'₅₄ 'e₂ ŋ₄ guei₂. ⁴ Ia₁ ca₂le₃jín₃ i₂ma₂lín₅ chi'₂-guein₂ quián₅ Diú₄, lí'₂ ne₄ cosas a₂jén'₅ mi₂güüg₃. Jaun₂ quian'₅₄ a₂'éin₂ bá₄ jniog₄, léi₂ ne₄ cosas a₂jén'₅ mi₂güüg₃. ⁵ ¿'Ein₂ 'éi₂ i₂lí'₂ ne₄ cosas a₂jén'₅ mi₂güüg₃? Jŋia'₅₄ lia'₂ i₂'éi₂ bá₄ i₂'én₂ a₂lín₅ Jesús Ja₁ŋi'₅₄ Diú₄.

Jág₁ dsau₅ 'ein₂ 'éi₂ lín₅ Ja₁ŋi'₅₄ Diú₄

⁶ Lia'₂ con'₂ jme₁guan₃ Jesucristo, ca₂jáng'₃ Diú₄ Jmei₂ jág₁ dsau₅ a₂lín₅ Jesús Ja₁ŋi'₅₄ tē₃dsón'₂. Ia₁ ca₂cuë₃ léi₄ jme₁ca₂ŋó₂ 'éi₂ jmig₂. Jaun₂ on₃jua'₅₄ jmá'₃ jme₁ca₂ŋó₂ jmig₂ ca₂cuë₃ léi₄. Jme₁ca₂jon₃ Jesús, jme₁ca₂i₃'o₅₄ jmí₂ 'ain₅₄ né₃, ca₂cuë₃ léi₄ táng₃. Quian'₅₄ le₃tin₃ léi₄ nē₅ ca₂jáng'₃ Jme₂dsí₂ quián₅ Diú₄ jág₁ dsau₅, ia₁ Jme₂dsí₂ 'éi₂ bá₄ i₂lín₅ jág₁ dsau₅. ⁷ Ún₂ i₂lín₅ i₂jáng'₅ jág₁ dsau₅ nē₅: ⁸ Jme₂dsí₂ Jŋió₅ i₂jŋia₄ jniog₄ tē₂dsí₅, Diú₄ Jmei₂ i₂ca₂cuë₃

léi₄ con'₂ jme₁ca₂jñó₂ Jesús jmig₂, 'ñiog₅ Jesús né₃ ca₂cuë₃
 léi₄ lia'₂ con'₂ jme₁ca₂join₃, ca₂l₃'o₅₄ jmi₂ 'ain₅₄. Le₃ún₂
 i₂në₅ caun₂ bá₄ jág₁ lé₅ quió'₅. * ⁹ Guén₅ bá₄ jniog₄ jui₁lia'₂
 'e₂ caun₂ jág₁ dsau₅ jáng'₅ dsa₂ mi₂güüg₃, la₁ 'ñio₅ lín₃
 gué₄ quen₅ jág₁ dsau₅ a₂ca₂cuë₃ Diú₄ 'ñiog₅, ia₁ quian'₅₄
 jág₁ dsau₅ a₂ca₂jáng'₃ jaun₂ né₃, ca₂'ë₃ 'ein₂ lín₅ Ja₁ñi'₅₄.
¹⁰ I₂'én₂ të₂le₃ quió'₅ Ja₁ñi'₅₄ Diú₄, 'i₄ jág₁ dsau₅ në₅ të₂dsí₅.
 I₂tsá₃ 'én₂ të₂le₃ quió'₅ Diú₄ né₃, jmo₂₃ dsí₅ co₂'nió'₄ të₂jín₁
 bá₄ Diú₄, ia₁ tsá₃ 'éin₂ jág₁ dsau₅ a₂ma₂cuë₃ Diú₄ të₂le₃
 quió'₅ Ja₁ñi'₅₄. ¹¹ ¿E₂ jaun₂ a₂ma₂juá'₂ Diú₄? Ma₂ca₂juá'₂
 a₂ma₂cuë₃ jág₁ quió'₅ a₂le₃chong₂ jniog₄ co₂tan₅₄. Jaun₂
 le₃chong₂ jniog₄ co₂tan₅₄ të₂le₃ quian'₅₄ Ja₁ñi'₅₄. ¹² Dsa₂
 i₂quian'₅₄ Ja₁ñi'₅₄ Diú₄, jéin'₃ bá₄. La₁ jui₁lia'₂ i₂tsá₃ quian'₅₄
 Ja₁ñi'₅₄ Diú₄, tsá₃ jéin'₃.

*Toin'*₂ jág₁ riin'₅₄ jë₁ca₂tó'₂

¹³ Jmo₅ jniá₂ si₂ la₂ tsíng₂ ne'₅₄ 'nia'₂ dsa₂ i₂'én₂ të₂le₃
 quió'₅ Ja₁ñi'₅₄ Diú₄, ia₁jaun₂ ñi'₅₄ 'nia'₂ chang'₂, a₂'i₄
 të₂'au'₂ jme₂dsí₂ a₂chang'₂ co₂tan₅₄. †

¹⁴ Caun₂ 'ei₅ dsí₅ jniog₄ chong₂ të₂le₃ quió'₅ Diú₄, ia₁ ne₄
 jniog₄ në₁jua'₂ 'e₂ caun₂ a₂mi₂ jniog₄ lia'₂ con'₂ lé₅ 'ñio₂
 dsí₅, nag₃ bá₄ jág₁ quián₂. ¹⁵ Chi₂jua'₂ ne₄ jniog₄, a₂nag₂₃
 jág₁ a₂chi₂lein'₅₄ jniog₄, ne₄ bá₄ jniog₄ ján₃, në₂jag₄ bá₄
 a₂ma₂në₂guéi₁ 'e₂ mi₂.

* ^{5:8} A₂lín₅₄ chog₅₄ si₂ a₂ca₂lë₃ cang₂ quian'₅₄ jág₁ jmei₅
 latín, juá'₂ le₂la₂: “i₂jáng'₅ jág₁ dsau₅ në₅ guei'₅₄ i₂juíg₃:
 Diú₄ Jmei₂, Ja₁ñi'₅₄ i₂lín₅ jág₁ quió'₅, quian'₅₄ Jme₂dsí₂
 Jñiós. Le₃ún₂ i₂në₅ ca₂ne₅₄ bá₄ lín₅. Ján₃ bá₄ ún₂ i₂lín₅
 i₂jáng'₅ jág₁ dsau₅ ne₄ gua'₅₄ 'uë₃.” † ^{5:13} A₂lín₅₄ chog₅₄
 si₂ a₂ca₂lë₃ cang₂ gué₄, juá'₂ ján₃: “ton'₂ ia₁jaun₂ le₃'éng'₂
 le₃quió'₅ Ja₁ñi'₅₄ Diú₄.”

¹⁶ Nē₁jua'₂ chan₂ i₂ca₂jín₂ rin'₅₄ 'no₂₃ dso₄, la₁ nē₁jua'₂ tsá₃ lé₅ dso₄ a₂jio₅ jui₅ 'mú₃, 'nió'₅ mi₃ dsa₂ ne₄ Diú₄ ia₁jaun₂ jmo₃ Diú₄ a₂le₃chan₂ táng₃ dsa₂ 'éi₂; co₂'nió'₄ le₃jua'₅₄ dso₄ on₃jua'₅₄ a₂jio₅ jui₅ 'mú₃. Ia₁ cha₂ dso₄ a₂jio₅ jui₅ 'mú₃. Tsá₃ juá'₅ jniá₂ a₂'nió'₅ mi₃ dsa₂ o₄quió'₄ dsa₂ i₂'no₅ dso₄ le₂jaun₂. ¹⁷ Ca₂le₃jé₃ a₂'lig'₅₄, dso₄ bá₄ jaun₂. La₁ cha₂ dso₄ a₂tsá₃ jio₅ jui₅ 'mú₃.

¹⁸ Ne₄ bá₄ jniog₄, jui₁lia'₂ i₂ca₂rē₃chán₃ le₃quió'₅ Diú₄, tsá₃ ma₂ŋi₂₃ jua'₅₄ caun₂ qui₂'no₂₃ gué₄ dso₄; ia₁ Ja₁ŋi'₅₄ Diú₄ bá₄ jmo₅ 'í₁,[‡] jaun₂ tsá₃ téi₂ i₂sē₃dsen₃ gu₂.

¹⁹ Jaun₂ ne₄ bá₄ jniog₄ a₂lág₅ dsa₂ quián₅ Diú₄; ton'₂ ne₄ bá₄ jniog₄ ján₃, a₂ma₂rē₂'i₄ bí₂ quió'₅ i₂sē₃dsen₃ ta₁caun₂ mi₂gúúg₃.

²⁰ Ján₃ bá₄ ne₄ jniog₄, ta₁ jaun₂ ca₂guan₃ Ja₁ŋi'₅₄ Diú₄ a₂jme₃tag₂₃ ia₁jaun₂ le₃ŋág'₂ jniog₄ 'a₂ lia'₂ 'nió'₅ le₃cuin₅ jniog₄ i₂lín₅ tē₃dsón'₂. Jaun₂ chong₂ bá₄ jniog₄ 'ei₅ caun₂ jág₁ le₃quió'₅ i₂lín₅ tē₃dsón'₂, co₂'nió'₄ le₃jua'₅₄ le₃quió'₅ Jesucristo Ja₁ŋi'₅₄ Diú₄. 'Éi₂ bá₄ lín₅ Diú₄ tē₃dsón'₂ i₂cuē₅ a₂le₃chan₂ dsa₂ co₂tan₅₄.

²¹ 'Nia'₂ chi'₂-guein₂ quiáng₃, jmo₄ 'nia'₂ 'í₁ jaun₂ tsá₃ le₃gan'₂ 'nia'₂ quian'₅₄ diú₄ lag₄.

Co₂nē₅.

[‡] 5:18 o₃, “jui₁lia'₂ i₂ca₂rē₃chán₃ le₃quió'₅ Diú₄, jmo₂₃ 'í₁ ŋiog₅.”

Jag₁ 'mí₂ a₂ma₂li' ₅₄ quian' ₅₄ Diu₄
 New Testament in Chinantec, Tepetotutla (MX:cnt:Chinantec,
 Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 14 Jun 2022 from source files dated 30 Nov 2021

5c52af9e-3086-5d57-9b7e-2e495fea8899